

ARUBA HOTEL SCHOOL CONVERTI DEN SKOL PUBLICO

ORANJESTAD [AAN]
Entrante 1 di December 1996, Aruba Hotel School, cu antes tabata cay bou di Stichting Aruba Hospitality Trades Training Center, a bira un scol publicó y ta resortá bou

di Departamento di Enseñanza.

Esaki a tuma luga tambe cu miras riba restructuración di Middelbaar Beroeps Onderwijs (MBO) cu den futuro cercano lo bira Educacion

Profesional Intermedio (EPI).

Enseñanza di horeca lo bira un sector di EPI, mescos cu e.o. Technica, Economia y Servicio.

Cu e pasamento di AHS pa

Enseñanza Publico, esaki a haya mas espacio pa haci e preparacionnan necesario den e parti di contenido y organisatorio di e sector aki.

E personal di Arba Hotel School, cu te cu e fecha ariba mencioná tabata den servicio di Stichting Aruba Hospitality Trades Center (S.A.H.T.T.C.) a bay den servicio di e siguiente personal.

Rudolph Arendsz, docente; Anton Frederiks, docente; Andres Geerman, docente; Antonio Green, docente/director; Sonia Irausquin, docente; Bartolomeo Kelly, docente; Lucy Kelly, docente; Randolph Tromp, docente; Robert Hoftijzer; concierge/emanuensis;

Karina Kock, secretaria; Ana-Maria Brouwer-Arends, administracion.

E intencion ta pa cuminsa cu EPL sector horeca, na Augustus 1997 y e preparacionnan ta bayendo bon. Sector horeca lo consisti di dos seccion:

- un seccion dirigi riba exigencianan di nos mercado laboral.
- un seccion pa sigui studia.

E contenido di tur materia ta wordo desaroyá dor di e docentenan ariba mencioná bou guia di e lider di proyecto di EPL, Roy Mezas, asisti dor di dos docente di 2do grado di horeca, sra.Thelma Ahlip y sra.Gala Turney y e coordinadornan di AHS sra.Sonia Irausquin y sra.Lucy Kelly.